



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3245/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3245/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3245/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3245/A


3245/A 2912
A x o 68




~~16-c-34~~
1817

29029 (1)

Payne
12/7/11





HIPPO

CRATES DE VICTVS
ratione priuatorum.

Galení commentariús
in eundem.

Guinterio Ioanne Ander=
naco interprete.

• Parisijs apud Christianum VVeichel
M. D. XXIX.

NOBILISSIMO VIRO IOANNI
Frācisco Rocquio, Domino apud Roberual,
antesignano illustriss. principis Roberti à
Maræ, Marsæli Franciæ, Ioānes Guinterius
Andernacus. S. D.



VBITATVM
est hætenus inter
multos, vir Clariss.
armâne, an literæ
maiorē gloriam mor
talibus pararent. Il
la siquidem in patriæ defensionem su
scepta, communem fructum adferunt:
hæ rectè gesta, cum legibus honestissi
mis quibus vita regitur, ab iniuriā obli
uionis afferunt, & quasi deos earū cul
tores reddunt. Verū illi maxímaquaq;
laude digni sunt vel omnium calculis,
quí ambo illa sic coniunxerunt, vt neu
trum neglectū esse velint. Hoc tu, IO
ANNES ornatiss. à superis ita cōse
cutus es, vt si gesta patriæ nomine etiā
num beneficijs rependerentur, cū vete
ribus

ribus illis Romanis certare queas. Si
vero literas respiciam, non tantum nobis
les omnes, verum plerosque *ειολόγους*
etiam superas. Deum immortalē, quantum
me recreat nomen illud Rocquij, quos
tiescūq; vel recordor, vel prædicari au-
dío. Prodierunt ex vestra progenie ma-
ximi viri, non aliter quā ex equo troiano.
Testimonio est vel vnus Iacobus Roc-
quius: vir, ita mihi dii faueāt, omni præ-
conio maior, vel in literis, vel in militia,
ex animo egregie mihi charus. Quæ
cū ita sint, vir eximie, nō possū cōmit-
tere, quin animi erga te mei *μνημόσυνον*
aliquod ostendam offerāque, hoc est,
munus chartaceū: libellū videlicet de
victus ratione, qua in ocio ad sanitatē
tuēdā vteris: cū in bello nō liceat. Susci-
pe quæso hilarī animo hoc quicquid est,
dum maiora quandoque parauerimus.
Vale feliciter.

GALENI

Prefatio.



Nus hic liber est, peculiari insignis titulo, quēadmodū prima totius superioris libri portio, qua de hominis natura differit. Nā perfectū in illo est quod titulus promittit: nihil uerborum etiānum desiderās. In hoc autem rursus, quae proposuerat, toto commentario perdocet. Quāobrem ijs quae duobus his libris interiacent, sublati, commodam inscriptionem peculiare totum opus sortitur. Quam nonnulli de natura humana & uictus ratione indiderunt. Ceterū ut nullū plane uitium habet libellus de NATVRA HVMANA, uitiosa autem omnia quae duobus libris interposita sunt, ita cōmentarius hic de uictus ratione salubri, in plurimis culpa ac uicio caret: Hippocratis opinionē semper reā presentans. In quibusdā uerō, ijsq; paucissimis, mendosus est. Porro statuamus esse POLYBI, sicut plerisque uisum est.

I

HIPPOCRATES DE VICTVS
ratione priuatorum, addito Galeni commen-
tario in eundem.



DIOTAS hãc
viuēdi rationē sequi
oportet.

Quosnam ἰδιώτας græ-
cè nomet, commentarij in-
terpretes omiserūt, quotquot
mihi eius exemplaria uidere
contigit. Imò neq; ego cum opus apud præceptores
relegerem, inquirere unquam cogitaui. Iam uero in-
terpretandi prouinciam aggrediēs, male præceptores
nostros, & expositores existimaui reliquisse coniiciē-
dum, considerandūque quos ἰδιώτας uocitet. Li-
quet enim infra positam uictus rationem non uniuer-
sis hominibus, uerū solis priuatis Polybum consu-
luisse. Atqui si priuatis duntaxat commentarium con-
scripsit, minus rectè interpretes citra distinctionē in-
audierunt, tanquam omnibus communiter illa tradi-
derit. Nam inuenimus apud Græcos non simpliciter,
sed relatione ad aliquid idiwtas, hoc est Latinorum
lingua, priuatos appellatos fuisse. Quippe alium hu-
ius artis idiwtam, alium illius exercitij nominant. In-
terim ad eos referunt, qui populum aut ciuitatem gu-
bernant, uel omnino publicum aliquod munus obeūt:

A iij ediuerfo

HIPPOCRATES DE

ediuerso partientes illos, qui uelut propria curant, idiotas nūcuparūt. Ac ex his nōnullos idiotas, dū penitus cōsidero, dixisse mihi uidetur. Nā athletas ab alijs hominibus seiūctos esse perliquidō constat: quoniam illi nullam uictus rationem in pane & carniū esu præfinitam habent, quemadmodum nec ijs, qui militiā sequuntur, uel iter faciunt, uel etiā pugnant, ciborum delectus præscribi potest. Quippe necessitas cogit assumere, quorum quisq; copiā habuerit. Forsan etiā quomodoāque festinam profectionem subeuntibus, aut omnino in ciuilibus negocijs, aut circūforanea uita, Græci *περισσὸν* appellant, uersantibus, certus uiuēdi modus, ut Polybus iubet, nullus potest institui. Solis igitur priuata administrātibus, Græcis *ἰσὶο* & *πρὸς γούρτιον* dicuntur, sequens dieta conuenit.

Hyeme plurimum esse, minimum bibere cōducit. Sed potioni uinum quāmeracissimum: cibo panis exhibendus est, obsonia erunt assa omnia: oleribus paucissimis hoc anni tēpore uti expedit, sic enim potissimum corpus, & calidum, & siccum euadet.

Recte nimirum fecit totius dietæ summā præfatus, quod in sermonis fine adscripserit, quāobrem unumquodque

quodque dictorum instituat. Etenim calefaciendum corpus, sicandumque propter immoderatam hyemis temperiem autumat. Quæ si mediocris ac symmetra, sicut ueris, esset, dietam quoque mediocrem indubiè fieri iussisset. Quippe mediocriter temperatæque affecta, conseruare conuenit: quæ à naturali modo recesserunt, transmutare. Sed mutatio haud aliter quàm ex contrarijs exæsis, siue ametrijs fieri potest. Quo accidit, ut corpus impendiò magis uel calfactum, uel incallescens, refrigerari desideret: refrigeratum rursum & refrigerascens, excalfieri. Itidem in humidi sicque intemperie per cōtraria morbos excessus purgare est opportunum: uidelicet cōtrariam immoderationem offerendo, à medio temperatoq; tantum recedentem, quantum morbus inde declinauit. Hac igitur ratione per hyemem frigidam humidamque temperamento, plurimum esse, pauxillum bibere conducit. Verum, hoc plurimum, non cœu ad uirtutem, sed tanquam ad alia anni tempora: sic de potu perexiguo sermonem ad alia tempora conferemus. Huc spectat nimirum quod dictum est, uinum meraissimum esse oportere, putà ipsius temperamenti collatione ad alias anni partes facta. Attamē si uiriū quantitati, præfentiq; cōmodo animū adhibueris, uinū semper ac cibū mediocrē appones: quemadmodū & somnū, exercitia, simpliciter omnia animi studia, q̄ Græcorū medici *ὑπομετρεῖν* uocāt, moderata pmittes. Porro q̄

A. iij

inum

HIPPOCRATES DE

uinum meracius ac carnes assæ calefaciāt, siccētque,
 si cum maza hoc est panis offa & oleribus conferas,
 nemo est qui ignoret. Pari modo panē si eius offa cō-
 paretur, calefacere dices & exiccare. Quæ omnia tā-
 quam exempla ab Hippocrate dicta putandum est. Tu
 uerò ex seminibus quoque, panificatio ineptis, Græci
 ὀσγία nominant, calida & sicca, sicut lentem adiece-
 ris. Quin & olerum quedam hac uirtute prædita, uti
 Brassicam. Ad hæc carnes, cuiusmodi sunt animantium
 agrestium, & sale conditæ. Sed hæc omnia ego etiam
 exempli gratia produxi. Cæterum uniuerſa alimento-
 rum materia tribus nostris commentarijs est membra-
 tim tractata: hoc nempe titulo, De Alimentorum facul-
 tatibus. Quæ ut pulchrè de cibis deligendis ac uitandis
 secundum qualitates prodita, sic de ciborum quantita-
 te nihil hic prætermisſum est. Edere nanque plurimū,
 ut ad alias anni partes, per hyemen concedendum: haud
 æignaris probè in aphorismis esse dictum: Aestate &
 æautumno cibos difficilime ferunt: per hyemē facilime,
 æmox Vere. Quod si iam cōdiscre cupias, quare hæc fi-
 ant, docuit & hoc Hippocrates in aphorismis ad eū
 modū: Vētres hyeme et Vere natura calidissimi, quo-
 niam aēr nos ambiens frigidus, constringendo cutem,
 ingenuum calorem repellit, et in alto corpore conclu-
 dit: qui æstate perspiratu euaporat: respiratione uerò
 calidus aēr attrahitur. Nominamus autem respirationem,
 externam interioremque spiritus per os tralatio-
 nē. Perspiratū, qui per totū ex equo corpus accidit.

Vere

Vere iam ineunte, plus sed dilutius & paulatim bibendum est: Cibo demendum: eoque molliore, panis offa videlicet, ipsius panis loco, utendum est. Eadem lege transeundum ab assis obsonijs ad elixa donec in æstatem ventum fuerit. Hac, cibo molli, et elixis pulmentarijs, & oleribus tum crudis tum coctis: potione plurima ac dilutissima corpus eger. Cauendum tamen, ne magna subito dictorum fiat mutatio.

EVere (inquit) plus & dilutius bibendum est: non plurimum, neque dilutissimum. Nam æstate hoc cõuenit: ut quæ contrariam cum hyeme temperiem obtineat. Ver autem ut in summorum medio tẽperaturã habet, ita quoque mediam uictus rationẽ requirit: Frigidiorẽ sanẽ & humidiorẽ, ut ad hyemem: calidiorẽ & sicciorẽ tãquam ad æstatem. Hinc igitur liquet, quomodo æstatis & autũni uictus ab eo præsriptus inaudiri debeat. Quare id mihi præterire uisum est. Illis qui sepius cõmentariũ relegunt, mentemq; diligenter adhibent, omnia manifestò dicta cõperio: ut nullã hæcenus deducta series interpretationẽ desideret.

Æstate nutritiõni aptissima sunt, panis offa mollis, potio tum multa, tũ diluta

luta, opsonia omnia elixa. Atq; hæc ita sunt obseruanda, vt corpus sit molle & frigidū. Nā calido anni tēpore & sicco exurit, squallidūq; euadit. Quare his rationibus tueri oportet. Pari modo ex vere in æstatem, sicut ex hyeme in ver traducere expedit: cibus demēdo, adi-
ciēdoq; potioni. Rursus qui annū absoluit, ex æstate in hyemē cōstituetur. Per autumnū cibo paulo pleniore & ficcio-
re: opsoniis similibus vt licet: minus, sed meracius bibere cōmodū est. Vt cū hyems bona contigerit, meraca etiam magis, & exigua potione, cibo copiosissimmo & vehemēter sicco vtī. Ita em̄ hoc frigido admodū et humido tēpore optima valetudine frueris, minusq; rigebis.

¶ *Præsens institutio clara est, nec interprete opus habet, (cū Polybus manifesta omnibus reddiderit): neq; obscuræ cuiusdā methodi inuestigatore. Verū ut uerba iacēt ita quoq; per se satis innotescunt.*

Plenis, mollioribus, rubicundulis ob tēperaturæ humiditatem ficcior victus maiore anni parte ex usu est.

¶ *Quemadmodum*

Quēadmodū etatū differētiē diuersā victus ratio
nē ostēdūt, sic etiā corporū habitus: ad quorū enarra
tionē descēdit, sermone de etatibus absoluto. Porro
sicut in etatibus cōueniētē uiuēdi modū, ita in corpo
rū speciebus ostēdit. Etenim pleni, molles, rubicūdi ex
tēperamēti humiditate tales euaserūt. Secus affecti, de
quibus mox dicturus est, siccitatis occasione. Cōuenit
igitur humidos sicciorē diēta uti: siccos humidiorē.
Atq; si hęc uera pronūtiata sunt, nimirū tēperati, ui
ctu tēpato utētur. uoco aut tēpatos, neq; gradiles neq;
obesos: sed quadratos, quos Græci εὐσθῆς appellāt.

Gracilibus, duris, ruffis & nigris, hūi
dior. Nā huiusmodi corpora sicca sūt.

Tēperamētorū notas pfecte in cōmētario de tēpera
turis exeauti sumus: ubi duos et graciles siccioris esse
tēperiei, sicut nigros quoq; docuimus. Atq; siccos tēpe
ratura nō ruffos, sed his colore uicinos, quos flauos
nomināt, esse diximus: quoniā et flaua bilis tēperamē
to sicca est. Verū scriptores nōnulli interim uocabulis
parū exacte utētes, rerū disciplinā cōfūdūt. Sic enim
nōnulli Germanos uocāt flauos, & si tales non sint,
modo uelis accuratē nuncupare, sed ruffi. Reliqua in
sermone preposito uere iuxta ac manifestō dicta sūt.

Iuuenibus mollior & humidior vi
ctus conducit: quorum ætas sicca est, et
corpora magis induruerunt. Senibus
magna ex parte siccior aptus est. Si
quidē

HIPPOCRATES DE

quidem humidī, molles & frigidi sunt.

¶ Ad etates digressus, parum integre ipsas distinxit, qui non quatuor, sed duas tantum differentes statuerit. Nam si uictus modi indicationem ab etatū tēperamentis accepturus erat, certe conueniebat, uti quatuor sunt temperamenta, sic etates quoque quatuor constituere: Nempe humidam & calidam puerorum. Siccam & calidam florentium. Siccam et frigidā declinantium. Humidam & frigidam senum. Puerorum uero humidam esse etatem conuenit: quod in alio tēperamento corpora increſcere nequeant. Florenti, quoniam impendiō calida, & sicca est, contrarijs confert uictus rationibus uti: quemadmodum & ijs qui hac etate sunt maiores. At de senū etate non mediocris quæstio est, ab omnibus propemodum neglecta: de qua post paululum dicturi sumus, ubi sermonem de alijs institutum expedierimus. Nam si in confesso est pueros plus humiditatis habere, quā integre sanis conferat: plus item caloris (haud enim simpliciter calidi sunt ut iuuenes, sed innata caliditate, quæ temperata est ex probo sanguine profecta) media inter pueros & iuuenes, quæ est puberum & adolescentium etas, in optimo nimirum temperamento consistet. Quod cum ita se habeat, etiam uictum temperamento medium adhibere conuenit, qui nec humidius nec siccus, uel calidius, uel frigidius ipsorum corpus efficiat. Puerorum sane corpus et si humidius, quā salubris habitus

habitus exigit, non tamen exicatum oportuit. Hoc enim modo, ne crescerent prohiberemus. Verum de senibus, quoniam nonnulli ipsos humidos, aliqui siccos, utrique indefinitè dixerunt, distinguendum nobis venit quatenus sint siccæ, quatenus humidi. Ostensum id est in opere de Temperamētis. Ipsis enim solidis corporis particulis siccos esse declarauimus. Quia uero multis ob temperamenti frigiditatem recrementis abundant, humidi nominantur. Ratio igitur est, cōtrariam ac duplicem ab hac ætate indicationem medicis fieri, tum propter temperamenti partium solidarum quæ humectari cupiunt, siccitatem: tum ob humidorū superfluitatem, quæ exiccari postulāt. Quæ utraque quoniam modo obserues, absolute traditum est in libro de Tuenda ualetudine. Quod huc attinet, satis est summam eorum, quæ isthic descripsimus paucis indicare. Cibi quidem & potus, aliæque uniuersa eò spectant, ut humectent, calefaciant, quantum scilicet, humectare, et calefacere senum corporis solidas partes deæt, quæ sole etiā propriè nominantibus partes existunt. Porro de pituitosis superfluitatibus euacuandis prius considerandum est. Proinde si ex commentario de temperamenti repetas, discāsque artificio ac scientia peculiarem senum temperaturam, frigidā esse & siccam: humiditatem uero ad satietiam propter pituitæ recrementorum prouentus, ipsos habere: digressus etiam inde ad Sanitatis tuendæ libros, unā condiscas, quis diætæ modus senibus conducat, luculenter intelliges.

ges, quàm nihil in præscripta serie definitum distin-
ctumque sit. Neque enim bifariam hominum uita diui-
denda erat: neque senum corpora, mollia & humida
dicere oportebat: neque quòd siccis ipsos tēperie ali-
mentis uti conueniret. Cum enim iuuenes dixit compa-
cta corpora habere & temperamento esse siccos, sa-
tis constat de florentibus solum uerba fecisse, & hos
nominaſſe iuuenes. Omisit ergo & puerorum ætatem
& declinantium: utq; ego arbitror, & temperatissi-
mam, quæ inter pueros & florentes media consistit.
Atqui obscurum non est, uel ipsummet orationem su-
am suspectam habere, non enim simpliciter ait, senio-
res uictu sicciore alendos, sed adiecit, magna ex par-
te. Idem nanque id erat ac si dixisset, non perpetuò:
quod certe neque habitui corporis, neq; ætati aliq; ap-
posuit. Quoniam suam cuiq; corpori diætam semper
oportet instituere.

Proinde habitus, & ætatis & tem-
poris anni ratione, vitæ modū instituere
oportet, qui præsentibus & calori &
frigori contrarius existat. Sic enim po-
tius sani degemus.

¶ Totus hic sermo & uere & clarè ab eo dictus est:
iam sepe in pluribus commentarijs nobis absolutus.

Per hyemem celeriter ambulandū,
æstate conquiescendum est, aut non
in

in sole ambulandum.

¶ Quomodo ambulandum sit in quaque anni parte, docet. Hyeme quidem exicans calefaciensq; ambulatio deligenda: Aestate contrarius scopus conuenit: uel non per solē, ait, ambulare. Tunc enim siccitatē, caloremq; q̄ inde corpori accidit, euitare odius conabimur.

Obesis cita ambulatio, gracilibus lenta conuenit. Per æstatē multo balneo: Hyeme, rariore vtendum est, idq; magis tenuibus quàm obesis.

¶ Celer motus calorem plus satis in augens, corpus colliquat. Ex modico calor mediocris tum sanguinem felicius generat, tū nutrit plenius. Eoque animantibus in ἐν ἑορτίῳ hoc est probam alimoniā simul uertitur.

Hyeme corpus veste pura, per æstum oleo infecta velandum est.

¶ Quid sanē scriptor doctius considerauit eo quod ab omnibus dictum est interpretibus, ipse nouerit. Nā si puras uestes Hyeme cen set gestādas, q̄ magis califidant, uel etiam perspiratum non impediunt: oleo autem infectas per æstatem, aut quod refrigerent, aut quod perspiratum obturent, sermonem non probo. Etenim ex puris uestimentis, quæ densam ac frequentē filorū texturam habent: maxime uero si fuerint detrita uelamina, q̄ Græci τριβῶν nomināt, refrigerāt. His igitur uti cōmodius est. Quippe oleo infecta

HIPPOCRATES DE

fecta, sordida plane sunt: nemo autem elegantiorum hominum sordidas uestes sustinet, praesertim aestate. Quinetiam infecta puris temporis spatio magis calefaciunt: licet primo ocurso fuerint frigidissima.

Obesi qui graciles fieri cupiunt, labores uniuersos ieiuni subibunt: et suspirantes adhuc, necdum refrigerati cibum assument. Vino prius temperato, & non perfrigido vti, opsonia sesamis, vel dulciarijs: aliisque id genus conficiantur. Atque haec copiosa: sic enim vel paucissimis saturantur.

Quod in sermonis fine dictum est, puta, Sic enim paucissimis saturantur, nonnulli de omnibus commemoratis dictum esse confirmant: quidam de solis opsonijs, quae ex sesamis, & similibus, aliisque multis quibusdam preparari iubet. Praedicta sunt, ieiunium exerceri, hoc enim manifestum uacuat, sicut à cibo labor implet. Huc accedit illud, adhuc suspirantes ab exercitijs cibum assumere: calore nondum in eis discusso, neque corpore refrigerato. Quod, ut quis plenior euadat odus, efficere nemo non uidet. Si uero alia quadam ratione autor corpus attenuare conatur, id nobis obscurum est. Quod tamen plerisque hoc obstructions in uisceribus produxit, exacte nouimus: quemadmodum & acria secundum cibum exerantamenta. Adde etiam quod balnea

balnea arctos in iocinore transitus alimenti habentibus, obstructions procreant. Dictum est mihi de his omnibus simul cum distinctionum notis in commentario de Sanitate tuenda, restat ut de ipsa uerborum serie disceptemus, ubi ait, & uino non perfrigo prius usi: ut enim frigidum esse iubet, non autem insigniter frigidum, ita sermonem deduxit. Atqui non prorsus copiosum uinum ab exercitijs statim bibendum censet, sed aquam prius: quemadmodum athlete faciunt id experientia edocti. Caput enim uinum conscendit, & si post balineum statim ante alios omnes cibos & potus adsumatur. Non tamen frigida potio ab exercitijs, nisi calidum præbibas, tutæ est. Nam & ipsa uentrem, tum iecur manifestò offendit: quorundam quoque nervos. Attamen habitus frigidum uinum corroborat. Vult autem horum scriptor ipsos soluere. Forsitan alio modo quid scriptum erat: uerum peccauit, qui idem postea apposuerit. Multa siquidem eiusmodi etiamnunc accidere uidentur: cum pro eo quod est neque ex toto calidum, non perfrigidum scribere ipsum conueniat. Nam qui cibum respirantibus adhuc offerendum iudicat: corpori uidelicet multis uaporibus pleno, uolet etiam uini calidi potionem magis ipsos implere. Cum autem percalidum frigidum similiter contrahere uentrem & corroborare possit, idem efficere obseruatur.

Semel die cibus assumptus, balnei abstinentia, durum cubile, sine vestibus

B obambulatio

HIPPOCRATES DE

obambulatio quanta maxime fieri potest conducit.

Melius dixisset cibus modicè sumptus, non semel.

Quidam enim semel die cibo utentium multo plura assumunt, q̄ qui bis eo utuntur. Quemadmodum la-
uacrum corpus excalfaciens, præsertim extrinsecus,
ad alimenti digestionē, & digestorum appositionem
conducit: ita lotionis penuria contraria perficit. Durū
cubile corpus molestat, contrahit & adstringit: ideoq;
in omnem partem incrementum ipsius impedit. Eadem
ratione & nudum obambulare, omnes summas par-
tes refrigerat: cogit in altum & uiscera & calorem,
quo aibi probè quidem concoquantur: uerum in omnē
corporis locum ferri prohibeantur.

Qui tennes se implere volunt præ-
ter quæ plenīs contraria facient, nullū
ieiunii laborem subibunt.

Contraria superioribus crassīs sunt: neque anhelā-
tes ex labore epulas assumere, sed ubi iam secundum
naturā respirauerint: neque semel, uerum bis aut etiā
ter cibum capere. Sic bis lauabit tenuis: semper autem
ab epulis alterum lauacrum ingrediens, nonnunquam
& primum. Pari modo excretia modica, lenta, eaque
post cibum accedet. Haud secus lectum mollem, nō si-
ne uestibus ambulationem in aëre, commodam sentiet.
Propterea gymnastæ nonnulla exercitia, quæ in con-
trectatione

trectatione & corporū pugna contingunt, ijs iubēt,
quos implere conantur: obseruantes ut corpore nudo
exerandi incedant: neque cum complexu. Ecōtrariō,
quos extenuare uolunt, celeri exercitio, & citra pri-
mum complexum mouent.

Vomitu vero & alui cataclysmatis
sic vtendum est: Sex hibernis mensibus
vomere vtile est. Nam & pituitæ plus,
& capitis grauitas subest. Adhæc præ-
cordia dolor exercet. Cataclysmatū æ-
state vsus est. Tum enim æstus bilio-
sum corpus reddit, grauitates lūbos fa-
tigant, & genua calore infestantur, ven-
tris oriuntur tormina & distortiones.
Iā vero superiores corporis partes per
inferiores purgandæ sunt.

¶ Quæ cataclysmata, id est ablutiones uocet, sequen-
tibus indicauit: nempe quæ ex lacte conficiuntur: &
eruorum decoctionis aquam: tum muriam & mari-
nam. Diuersa nanque ab his pharmaca sunt purgan-
tia, quæ uniuersum corpus euacuāt. Quemadmodum
igitur mediastini balnea dicuntur abluere, quum lapi-
dum in eis lutum & sordes abstergent: ita uentris in-
testinorumque ablutiones, pituitam & bilem ipsorum
detergent. Quoniam itaq; pituita per hyemem in uen-
triculo generatur, euacuari ipsam uomitu consulit.

B ij

Acstate

HIPPOCRATES DE

Aestate bilem sursum conscendentem, deorsum reuel-
li. Attamen ubi totum corpus purgare uolueris, æ-
state per superiorem, hyeme per inferiorem uentrem
medicandum est: Sicut in Aphorismis dictum inueni-
mus. Etenim iam abudantibus purgatio illac quæ uer-
gunt adhibita medetur. Quippe ducenda quò uergunt
per loca idonea. Quæ uero ab incremento prohibere
uelis per opposita reuellere conducit.

Cataclysmata plenioribus & humi-
dioribus magis falsa, & tenuiora: siccio-
ribus autem & gracilioribus, & imbe-
cillis pinguiora crassioraque profunt.
Pingue igitur & crassum est lac, aqua
ex cicere cocta, atq; hoc genus alia: Tes-
tue & falsum olus, aqua marina, reli-
quæque huiusmodi.

Incisoria magis cataclysmata pinguioribus adhiben-
da existimat: ut qui natura sint pituitosiores. Leniora
gracilibus: utpote biliosioribus. Porro quales amborū
sint materie, ex uerbis illius manifestis adeò constat.
Quamobrem ijs relictis ad sequentia me conuertam.

Vomitus prouocandi hoc pacto
sunt: Crassi, ieiuni, cursu, aut citata ambu-
latione exercitati, medio die vomere
debent.

¶ Ex alfactum

Exal factum esse corpus obesius, qui uomituri sunt præcipit: ut humores pituitosi, quos crassi copiosos habent, diffundantur. Quin & uasorum adaperitio, omniumque angustorum meatuum raritas sic potissimum queat accidere. Cæterum hæc omnia ad uomitum facile, atraque molestiam excitandum conducunt:

Potui sumant sesquicyathum hyssopi, aquæ cõgio intriti, eumque totum bibant, aceto faleque adiecto, quo plurimum edulcescat.

Quod potum incidentem esse cupit, quamque ob causam, nemo non habet perspicuum. Quonia enim crassi homines, crassos etiam humores, & frigidos, tum quosdam eorum uiscosos plerumque habent, ideo potionem ipsorum incisoriæ esse iubet. Quantam uero copiam illius, unde conficit potum, exhibeat, non exacte possum interpretari: quod mensura interim quam congruè nominant, non eandem apud omnes habet magnitudinem. Si uero Atticum bibere præcipit, non admodum consuetudini consentit. Multum namque esse mihi uidetur: & si apud ueteres moris erat, siue lactis sero, siue huiusmodi quodam cataclysmate malebant uti, per multum id exhibere.

Primum lentè, mox citius potandum est.

Si igitur initio bibat ocys, mox euomet, priusquam totum expediat: proijcietque humores in uentriculo contentos. Quibus cum & in primis uenis recepti euacuantur: quod si primum lentius, dein ocyus bibat, ita & tempore mediocri

B iij cõtinere

HIPPOCRATES DE

continere poterit, & tēpestiue ad uomitū incitabitur:
quòd postea confertim magis biberit.

Tenuiores, magisq; imbecilli à cibo
vomitum ita mouebunt: Loti calida me-
ri cyathos tres bibent: dein epulas vari-
as assument: verum sine potione: neque
post has bibendum est, nisi tātō inter-
uallo, quanto stadia quatuor expedias.
Post vinis tribus commistis vtendum
est: austero, dulci, & acri. Primo mera-
cius & modice, paulatimq; bibere: post
ea dilutius, liberalius et citius conuenit.

Cubet hic calida lotum, meracius præbire: hac (ut
conijcere possum) ratione usus: quòd ex calida lotio-
ne totum corpus incalescat, & succi diffundantur,
uasæque laxiora fiant. Eadem uerò hæc & uinum
meracius efficit: præter, quòd uirtutem corroborat: cu-
ius rationem in gracilibus habere oportet. Postea ci-
bum uarium assumant, cuius causam omnes exposi-
tores non eandem tradiderūt. Quibusdā enim illorū
uaria exhiberi uidetur, quòd inuicem luctantia facilius
vomitum concitent, alijs ut plus ingeratur. Nam sim-
plicia eiusdemq; speciei ælerius implent. Verum ijs sta-
tim bibere non permitti, ne cibi mox supernatet: quod
fieri

fieri nequaquam uelit. Atque ideo tempus aliquod interea, quod ad nutritionem sufficiat, consumendum præstituit: nempe quo stadia quatuor perficias. His ita præmissis, potum adijcit, terna uina, qualitate inuicem differentia. Iubet enim aliquod ipsorum esse austerum, aliud dulcæ, aliud acre: non relata ne hic quidem causa cur ita iniunxerit. Qui uero diuinant ipsius sententiam, aiunt austerum instrumentis corroborandis, per quæ uomitus accidet, exhiberi. Dulce ut uomitum incitet, & humores diffundat. Acre demum, ut quæ uentriculo sunt illita, detergat. Fieri igitur potest, ut cibos omnium qualitatum genere ipsos assumere iusserit, ut uentriculum alij confirment, alij ad uomitum proritent, alij succos infartos abstergant. Quod autem sæpius dicere soleo in sociorum amicorumq; consortio, id nunc quoque dicam: Non parum mihi uidentur errare homines, qui sectam dogmaticam profitentur, eo quod citra rationem prolatam, quæ consulunt, haud aliter ac regalia quædam decreta pronunciant. Præstiterat enim cuiusque rei uim, operis autorem explicasse, sicut Hippocrates in libro de Ratione Victus in morbis acutis factitauit, ubi ptyssanæ meminit. Nam uisco^{sa} sitas eius lenis, continua, iucunda, lubrica, & modicè^{sa} laxa est, sitim arctet: & ubi ablutione opus est, facile^{sa} descendit: non adstringit, non uellicat grauitèr, neq;^{sa} in uentre tumescit, Sic idem de aqua mulsa, de^{sa} uino, oxymelite: item de lauacris conscripsit. Itaque

HIPPOCRATES DE

uia iam nos primapium habemus, qua post autorem nonnulla ab ipso prætermiffa adiiciemus. Atqui dicta sunt omnia præter causæ rationem. Siquidem quòd uinum bibere meracius primum, sed modicè et paulatim retulerit: postea dilutius, ælerius, & copiose, explorare nos oportet, qua id sententia ille scripserit. Verum aliàs exploratio tota, res est ambigua: maximè uero cum hominis sententia adhuc sit incognita. Dilutius igitur uinum bibere, & ocius, tum copiosè, merito dictum uidebitur de his qui uomitum expetunt. Siquidem contraria, cohibere ipsum uolentibus, & alimētum concoquere, sunt idonea: putà, meracius, modicè & paulatim bibere. Cur autem omnino ad coërcendū accommoda primum in eo qui paulo post uomiturus est, usurpauit, probabile nihil dicere possumus: forsitan autori probabile uidebatur, quod etiam interpretum nonnullis placet. Quia uirtutem tenuium hominū de quibus hæc scribit, dissolui nolit, ideo primum illū corroborat: mox ita ad uomitum clementia proficiat. Sed ad uires firmandas tempus à cibis oblati suffecerat. Porro aliud alij probabile (ut dixi) est, non absētum, ceu unum quoddam, sicut necessarium, quod scientificis demonstrationibus confirmatur.

Qui vomere bis in mense uult, melius sibi consulet, si bido continuarit, quàm si post quadragesimum diem uomuerit. Alij prorsus contraria faciunt.

Cet

Et horum rationem ipsum scriptorem maximè ad-
ieciſſe oportebat: quoniam de ijs qui bis in menſe uno
uomunt, nulla diſtinctione ſententiam protulit. Quoſ-
dam enim uacuandi gratia uomentes conſpicio: ſicut
& unomenſis die à cibis abſtinere. Nonnullos horum
ſucum uentriculo infixum, uel uiſcoſum, uel craſſum
expurgare. Nihil autem prohibet utraque ex interual-
lo, non duobus continuis diebus facere.

Qui poſt epulas vomere volunt,
vel quibus aluus adſtricta eſt: ijs omni-
bus die ſæpius, variosque cibos eſſe: tū
duplicia uina aut terna bibere expedit.
Quibus uomitus non eſt utilis, uenter
autem ſanus eſt, hiſ contraria ſuperiori-
bus conueniunt.

Conuenit quidem ijs cibos reuomere, qui uel aluum
deijcere, uel mediocrem totius corporis euacuationem
moliuntur. Conſulit autem ipsis frequenter & uaria
comeſſe, uina plura bibere. Contra illis qui neque uo-
mitum expetunt, & aluum humidiores iuſto habent,
ut cohiberi deſideret: neque ſæpius eſſe, neque uarij
generis tū cibos, tū uina aſſumere. Etenim ſemel idq;
ſimplex aliquod eduliū, unūque uinū uſurpare, uē-
triculo ipsis continendis coquendisq; conducit. Con-

HIPPOCRATES DE

traria faciunt, ut difficilius cibi coquantur, maneatque in uentriculo. Ceterum præter assumptorum qualitatem, & exhibitionis ordinem, uel in summo natum, uel subsidere ipsa contingit.

Pueris calida lauatio, longo tempore apta est: uinum dilutius, neque omnino frigidum. Hoc autem exhibendum, quod ventrem minime attollit: perturbatque, & inflationes parit. Quæ omnia conducunt, ne conuulsionibus conflictentur, sed maiores, coloratioresque fiant,

¶ Ipse superioris diætæ scopos explicuit: nempe ut conuulsionibus minus infestentur, maioresque fiant & coloratiores. Nam in calida mersi pueri, diutius molles permanent: quod, ne conuellantur, prodest. Quoniam Hippocrates ipse corporibus intensis potius, quam remissis & laxis, conuulsionem accidere prodit. Porro augeſcunt facilius corpora mollia: quia in omnem quoque dimensionem promptius sequuntur. Illa uero, quæ nec conuulsionibus corripuntur, probeque increſcant, totum habitum salubrem obtinere, quis ignorat? Hoc igitur nota una haud mediocri, nempe boni coloris, autor indicauit. Sed etiam uinum ipsos dilutum bibere præcipit, ne plus æquo calſiant: maxime quia conuulsionibus sæpe exercentur. Quod rurſus ex neruorum
imbecillitate

imbecillitate, & uoracitate accidit. Atque ideo non frigidum pueros bibere iubet: uerum tale uinū, quod minime flatulentum est, omnibus ex æquo hominibus, non modo pueris conducit.

Mulieribus siccior victus ex usu est. Etenim cibus siccus, potio meracior, carne mollibus idonea est. Ad hæc secundis, & foetui nutriendo potior est.

¶ Mulieres siccioris uiuendi modo uti iubens, qualis nam is sit, ipse subscripsit. Habet autem uiri opinio controuersiam. Si nanque præter naturam erat, mulieribus humidis esse: sicut in naturis intemperatis & morbosis, humidus morbus, recte eas exiccaret: Verū quia hoc à natura illis adest, conseruare conuenit: nisi quū salubrē symmetriā exæsserit. At hoc quoque in uiris considerabamus. Etenim & his siccioribus quidem esse ac mulieribus, secundum naturam est: quando uero conuenientem siccitatem latius egressi fuerint, tunc ipsorum intemperie contrarijs emēdamus.

Qui corpus exercent, per hyemem currere, & colluctari debēt: Aestate luctandū modice, currendū nō est. In frigore multa ambulatio conuenit.

¶ Exercitiorum differentias anni temporibus peculiarium docet: quæ hyeme calfacere, & siccare possint: per æstatem facere contraria.

Qui

Qui cursu fatigatur, luctari debet:
qui ex lucta fatigationem sentiunt, his
currendum est.

¶ Si ita dogmata medici omnia scripsissent, nulla es-
set loquacitatis occasio interpretibus relicta. Dico au-
tem, ita, ut causam adiecissent, cur sic nos agere ius-
sisset, quod nunc Polybus fecit.

Quibus exercitatis ventris proflu-
via oboriuntur, & cruda deiciuntur, ijs
exercitiorum pars tertia, ciborum di-
midia prorsus demenda est. Quippe ve-
ter eorum copiam continendo non est:
Ad hoc panem quam maxime assum ex vi-
no esse oportet: bibere vero nimis quam
modice, sed meracius: Semper autem post
cibum conquiescere, qui semel die tunc
assumendus est. Hac enim ratione ven-
triculus sibi commissus fouet, mutatque.
Accidunt huiusmodi profluvia potissi-
mum densa carne praeditis, cum carnem
vorare cogantur. Nam venae densiores
alimenta non recipiunt. Atqui tales in
eodem habitu subsistere diu non possunt:

sunt: sed in alterutram partē declinant.

¶ Non de ijs qui sanitatis gratia exercētur, hunc sermonem instituere uidetur, sed illis qui studiū aliquod gymnasticum subeunt: nec inde prorsus abstinere possunt, nec temperare. Ideo tertiam exercitij partē eis adimit: ciborum uero dimidiam. Tantillam enim sperat contineri posse, ut nec cruditate, nec uentris profluuiο laborent. Recte autem fecit & hic, qui rationē ipsorum adscripserit: qua utens, tum hæc ipsa, tū his explicata consuluit. Siquidē hic profluuij modus, inquit, densa carne præditis accidit, cum carnes esse coguntur. Innuit hic gymnasticos, quibus carnis esum præcipiunt: Deinde subnectit: uenæ densæ cibos ingredienti non excipiūt. Obscure hoc protulit: ideoq; suspicari interpretes coacti sunt, densas pro duras, minusque exporrectas, ut alimentum non recipiant, ipsum intelligere. Atq; hoc significari aiunt inde, quia cibos non excipiunt: quod digestionem magis q̄ concoctionem offendere consuevit. Quare humida nō tamen incocta ipsi deiiciūt: et si autor prædixerit esculēta, crudaq; tales per aluum reddere. Porro cū ratione addita cui fidens ille, uisa sibi cōsuluit, dubitatio adhuc aliqua relinquatur, quid putandum est in illis fieri sermonibus, ubi causam eorū, quæ nobis facere iniungit, omisit? Ego sane nisi densorum meminisset, faterer me planē hesitare, ut in multis alijs: in quibus cum nihil eiusmodi scriptor adiecerit, audaciſſimi interpretes

HIPPOCRATES DE

terpretes, quicquid ipsis in mentē uenit, effutiūt. At, quia Polybus ipse densa carne præditorū mētionē facit, occasionē et ipsis scribēdi præbuit, qd huiusmodi naturis cōueniat. Nā tales celerrime copiam colligūt, parum perfecte perspirantes: eoque digestionē retenta, humida omnino deiectiones euadunt. Interdū non modo humida, sed etiā tenuis: præsertim in edacibus. Cum enim quippiā ex absorptis digeritur, promptius uenter reliqua concoquit. Quod si in eo maneat ciborum copia, cum interim ab eis grauetur, omnia ante concoctionem exautiuntur. Forsan ob uenarum duritiem, alimenti digestio impediēbatur: ut quæ magis extendi nequeant: Verum talium naturarū curationem, ex contrarijs apposuisse ipsum oportebat. Raritas namq; et mollities totius habitudinis scopi existūt, molli frictione & pinguedine copiosa in solijs cōparata. Hic quidem aduersus symptōma tantū pugnat: cæterum ipsius ueluti radicem exādere negligit. Dictum est hoc quoq; ab eo, serie præposita. Lique si quidem uentriculum fouere abos non posse. Et profectō, si uerē habitus densitatem, & uenas non excipientes alimentum acusat, falsō de uentre conqueritur. Si quidem hic ei tanq̃ uera dicenti concesseris, indubie etiam in frā positam uictus rationē rectē institutam esse concedes: Assum panem, potionem meracā, minus autem, semel die cibum capere, non secundū epulas obambulare, probabis.

Hæc autē natura celeriter in utrāq;
partem

partē vertitur, & huiusmodi corporū bonus habitus exiguo tēpore viget.

C Bonum habitū uocauit naturā eorū qui dē sā carnē obtinent, ut quæ equali celeritate mutetur. Nā subiūgit, utrobique uertitur: hoc est, in bonam, malamq; habitudinem. Posthæc in super adiūgit, & bonus huiusmodi corporum habitus exiguo tempore uiget. Ostēsum nanq; est cōmentarijs in Aphorismos, quod gymnastarū habitus probus cum sanguinis & carniū repletionē naturalīū facultatem custodit. Sed quemadmodum illic habitudinem in summo bonam, indicauimus esse periculosam, quæ non citò raris corporibus aduenit: ita quoq; in densioribus q̄celerrime, q̄ haud ex facili feratur, accidit. Quippe quum relabi cogatur, repentē tum oritur, tum perit.

Qui rariores cute sunt, & hirsuti magis, carnis esum ex facili admittunt, labores magis sustinēt, diuq; bono corporis statu fruuntur.

C Hirsuta corpora cutem magis rarā, et carnosū genus habere in opere de Tēperamētis didicimus. Hæc itaq; meritò ait carnis esum magis ferre, ut quæ p̄spiciat: tum labores, quoniā minus lassitudinē percipiūt. Hoc quoq; in libro de Sanitate tuenda intelleximus. Si hæc ita tolerant, etiam euzīcos diuturniores habebunt: ut quæ non promptē ad summum perueniant.

Qui

HIPPOCRATES DE

Qui cibos postero die eructant, & præcordijs dolent, ijs veluti crudis adhuc cibis diutius dormiendū: nouū genus laboris subeundum est. Vinū meracius largiusq; bibere oportet: cibis vtī paucissimis. Quippe constat, ventriculū imbecillitatis, frigorisq; vicio, ciborum copiam concoquere non posse.

¶ Probè ad sermonis calcem adiecit: constat uentriculum ciborum copiam, imbecillitatis ac frigiditatis vicio concoquere non posse: Quippe huc respiciens ex-
calfacere ipsum conatur, ac ob id diuturniorem somnum ipsis consulit: tum exercitia, uinum meracius & copiosius, cibos pauciores tunc, cum cruditatem contraxerint. Nam si reliquo tempore exercentur, mo-
uentur, uinumque bibunt (uti diximus) nihil à medio-
cri ciborum copia demendum erit.

Qui sitī premuntur, parcius edent, minusq; laborabunt: vinū dilutum si-
mul, & perfrigidum bibent.

¶ Nunc quidem calidæ naturæ notas sic prodidit. At in sexto Epidemiorum in hunc modum scriptum est:

“ In calida natura, frigida potio, & quies. Ipse nanq; cū corporis temperaturam nominasset, mox dietam subiicit, qua sic affecti utūtur. Summam autem refri-
generationem

generationem habet, ad quam consequendam uictus ratione, efficaciora sunt, aquæ potio, & otium. In præposita serie quiescere aliud appellauit, cum diceret, laboribus demendum: pro aquæ potione scribēs, uinū bibāt dilutum, & perfrigidum. Atq; mihi uidetur hic rectius laudari. Siquidem diluta potio & frigida, nihil minus refrigerare potest: sumitq; ex uino præsidia.

Quos dolores viscerum infestant: vel ex labore, vel alia quadam ambulatione, sine cibis recreandi sunt: modica potio conuenit, præsertim ea quæ urīnam cieat: quo venæ ex visceribus prodeuntes repletæ non distendantur. Nā hinc inflationes febrēsque oriuntur.

De omnibus his præceptis abūde in libro de Tuenda ualitudine differuimus, quanq̃ hic quoq; commētionis gratia illic tradita, silentio non præteribimus. Multis enim uel integris ab omni febre, dolores oriuntur in uisceribus: maxime iōanori, quū à cibo nos exercitauerimus, uel lauerimus: idq; propter uisceris meatuum angustiam: & humorū qui transmittuntur crassitudinem. Dum enim infarciuntur, retinenturq; arctis uenarum terminis, per quos sanguinis fit trāssumptio ex iōanoris caua parte in gibbam, transitus impeditur. Atqui distendunt in cauitate uidelicet iecoris uenas: quibus ita affectis, dolorem sine febre etiam persentiunt.

scunt. Quiescere hos conuenit, quo tempore dolent: itē
bibere quod urinā moueat, & icur reseret. Nisi enim
reddant urinā, tubera & febris ex huiusmodi causis,
proueniunt.

Quibus morbi à cerebro nascun-
tur, stupor caput primum occupat, urī-
na sæpe redditur, idem affectus qui in
stillicidio. Diebus nouem ita laborant:
& si aqua vel mucus ex naribus, vel au-
ribus fluxerit, morbo liberātur, & à stil-
licidio quiescunt. Urinam vero sine mo-
lestia copiosam, & albā reddūt. Ad vi-
ginti dies etiam capitis dolor abit. In-
tuentibus splendor ipsis obscuratur. Por-
ro qui colligere potest sanitatem homi-
nibus quouis precio æstimari, sciet ex
sua ipsius sententiā in morbis ferre
præsidium.

ENon iniuria multis hæc oratio suspecta fuit: non
nulli etiam damnauerunt in uniuersum, ceu quam ne
Polybus quidem, nedum Hippocrates scripserit. Nam
orationis exordiū plane indistinctum est: quippe quod
à cerebro stuporem & urinæ stillicidium fieri inferat.
Neque si putes ipsum non omnes morbos quæ à cere-
bro sunt pronunciare tales existere, sed eos solum in
quibus

quibus circa aures naresq; aquæ, aut muccus effluen-
tibus morbum sedarit, uerum esse poterit, quod tradi-
dit. Neque enim id fieri perpetuò, imò nec sæpe uide-
mus.

Τέλος.

Exaudebatur Christianus VVechel apud inclytam
Parrhisiarum Luteciam M. D. XXIX.

Mense Augusto.

